

## **KENYATAAN MEDIA**

### **PANDUAN MUDAH ALIH BUKIT BENDERA**

### **26 JULAI 2018**

Majlis pelancaran Panduan Mudah Alih Bukit Bendera hari ini yang disempurnakan oleh YAB Tuan Chow Kon Yeow, Ketua Menteri Pulau Pinang merupakan sebahagian daripada misi berterusan untuk meningkatkan lagi pengalaman pengunjung di Bukit Bendera berikutan pelancaran Panduan Pelawat (*Visitor's Guide*) pada 26 Oktober 2017 dan laman web baharu pada 19 Januari 2018.

“Panduan Mudah Alih Bukit Bendera membolehkan pengunjung untuk melihat kawasan menarik yang terdapat di Bukit Bendera, menambah pengalaman pengunjung dan membolehkan pengunjung memberi maklum balas kepada pihak Perbadanan Bukit Bendera melalui aplikasi gambar yang disediakan” menurut Ketua Menteri Pulau Pinang, YAB Tuan Chow Kon Yeow.

Bersempena dengan wawasan negari, Panduan Mudah Alih Bukit Bendera akan menghubungkan pengguna dan meningkatkan pemahaman antara komuniti. Ia boleh dimuat turun dari *Google Play Store* (untuk Android) dan *App Store* (untuk IOS).

Selain menggunakan peranti mudah alih untuk mengakses laman web dan maklumat mengenai Bukit Bendera dan Perbadanan Bukit Bendera (PBBPP), satu lagi ciri utama Panduan Mudah Alih ini adalah untuk pengguna (pendaki, penduduk, dan sebagainya) mendapat maklum balas dari PBBPP terhadap maklumbalas/komen/cadangan di ruang yang disediakan dengan membolehkan pengguna memuat naik maklumat melalui aplikasi yang pantas dan mesra pengguna. Panduan Mudah Alih yang baru ini termasuk mengambil gambar dengan koordinat GPS bagi membolehkan lokasi gambar tersebut dikenalpasti. Pihak PBBPP akan menghubungi pihak berkuasa berkenaan dan mengambil tindakan selanjutnya sekiranya perlu. Pihak PBBPP dapat mengenalpasti kawasan yang memerlukan tindakan segera dengan lebih cepat dan efisien. Gambar tersebut akan disimpan di dalam Panduan Mudah Alih (mod luar talian) jika data mudah alih tidak dapat diakses dan gambar tersebut akan dihantar apabila telefon mudah alih telah menerima rangkaian data di telefon mudah alih pengguna.

*'Trail Hiking'* (menggunakan *Open Street Map*) juga telah diwujudkan bagi memenuhi permintaan komuniti pendaki dan komuniti berbasikal. Laluan mendaki yang popular diletakkan di *Open Street Map* supaya pendaki boleh merujuk kepada peta apabila mereka mendaki Bukit Bendera. Pendaki dan penunggang basikal juga boleh memuat naik laluan tambahan melalui *Open Street Map*.

Ciri-ciri utama Panduan Mudah Alih membolehkan pengguna:

1. Menerokai dan menemui tarikan di bukit dengan menggunakan *Google Map* dengan GPS.
2. Memperoleh lebih banyak maklumat mengenai tarikan di Bukit Bendera.
3. Menggunakan '*Trail Hiking*' yang disertakan.
4. Membolehkan pengguna memuat naik gambar lokasi/laluan yang perlu diberi perhatian oleh PBBPP atau pihak berkuasa yang berkaitan.

PBBPP menggalakkan dan mengharap semua komuniti akan bekerjasama untuk melindungi dan memelihara Bukit Bendera.

Selain itu, ciri-ciri lain yang terdapat dalam Panduan Mudah Alih adalah:

1. Acara/Pengumuman Khas

Menyampaikan maklumat terkini kini mengenai acara dan aktiviti di Bukit Bendera.

2. Galeri

mempamerkan gambar-gambar flora dan fauna, pemandangan siang dan malam dari puncak bukit serta program dan aktiviti terkini di bukit.

3. Maklumat Tiket

Menyediakan maklumat berkaitan dengan tiket dan memberi panduan kepada pengguna ke laman web untuk pembelian tiket dalam talian.

4. Panduan ke Bukit Bendera

Memberi panduan kepada pelawat menggunakan pengangkutan awam dari Jambatan Pulau Pinang, Jambatan Kedua Pulau Pinang, Lapangan Terbang Antarabangsa Pulau Pinang dan Jeti Pulau Pinang ke Stesen Bawah Bukit Bendera.

5. Panduan Pelawat

Boleh dimuat turun menggunakan peranti mudah alih.

Dengan ciri-ciri baru ini, diharapkan pengunjung yang datang ke Bukit Bendera akan memperolehi lebih banyak pengalaman dan dapat meneroka lebih banyak perkara menarik yang terdapat di Bukit Bendera. Tarikan utama

termasuk banglo dan bangunan-bangunan sejarah berkonsepkan kolonial, tumbuh-tumbuhan eksotik yang tumbuh mekar di kawasan bukit serta haiwan-haiwan unik (seperti Lotong Kelabu, Tupai Gergasi Hitam Monyet dan Burung Cecawi) di kawasan bukit.

### **Mengenai Perbadanan Bukit Bendera**

Perbadanan Bukit Bendera telah ditubuhkan pada tahun 2009 melalui enakmen yang telah dipersetujui melalui persidangan Dewan Undangan Negeri. Tujuan utama penubuhan Perbadanan Bukit Bendera adalah untuk menguruskan perkhidmatan funikular, penyelenggaraan dan pembangunan Bukit Bendera sebagai tempat ekopelancongan serta menjadi pusat perlancongan bertaraf dunia di Malaysia.

### **Media Contact**

Puan Janani  
Perbadanan Bukit Bendera Pulau Pinang  
Tel: 04-8288880  
[janani@penanghill.gov.my](mailto:janani@penanghill.gov.my)